

Ա Մ Ի Ն Ե Ա Վ Դ Ա Լ

Սովետական քրդագիտությունը անդառնալի ծանր կորուստ կրեց: Նրկարառե ու ծանր հիվանդությունից հետո վախճանվեց քուրդ ակադեմիկոս գիտնական, գրող, մանկավարժ և հասարակական գործիչ՝ Ամինե Ավդալ Ավդալին:

Ամինե Ավդալը սովետական քուրդ մտավորականության այն ներկայացուցիչներից էր, որոնք իրենց ամենից աշխատանքով անդնահատելի ավանդ մուծեցին քուրդ ժողովրդի կուլտուրայի զարգացման մեջ:

Ա. Ավդալը ծնվել է 1906 թ. Ղարսի նահանգի Յամանշայրի գյուղում: 1918 թ. թուրքական վայրագությունների զոհ են դառնում մանկահասակ Ամինի ծնողները և երջանիկ պատահականությամբ փրկված պատանին մինչև 1924 թ. ապաստանում է որրանոցներում: Սովետական իշխանության հաղթանակից հետո քուրդ ժողովրդի տնտեսական և կուլտուրական զարգացման համար ստեղծված պայմանները հնարավորություն են տալիս նրան հասնելու իր ուսման ծառայելու: 1924—27 թթ. Ամինե Ավդալը Թբիլիսիում ավարտում է Հայկական րանՖակը: Հենց այս տարիներից նա մեծ եռանդով լծվում է իր ժողովրդի կուլտուրայի զարգացման, կադրերի պատրաստման աշխատանքներին: Նա ակտիվ մասնակցություն ունեցավ Հակոբ Ղազարյանի (Հազո) կողմից ղեկավարվող քրդական դպրոցի աշխատանքների կազմակերպմանը, միաժամանակ Թբիլիսիի քուրդ ազգաբնակչության մեջ տանելով հասարակական-քաղաքական եռանդուն աշխատանք:



Քանի որ ավարտելուց հետո Ամինե Ավդալն աշխատանքի է անցնում Ապարանի շրջանի քրդական Միրաբ գյուղում, որպես դպրոցի դիրեկտոր, հանդիսանալով սովետական քուրդ առաջին մանկավարժներից մեկը մեր հանրապետությունում: Մինչև 1932 թ. Ամինե Ավդալը մանկավարժական աշխատանք է կատարում նույն շրջանի Քարվանսարա և Ղոնդախսաղ քրդական գյուղերում:

1932 թ. Նրևանի պետական համալսարանում սովորելու ժամանակ Ա. Ավդալը միաժամանակ զբաղվում էր դասավանդում քրդական մանկավարժական տեխնիկումում: Այդ տարիներին նա տանում էր նաև քրդական «Ռյա թաղս» թերթի պատասխանատու քարտուղարի պարտականությունները: Մանկավարժական և լրագրային աշխատանքների հետ միաժամանակ նա զբուծում էր դրական մի շարք ստեղծագործություններ, դառնալով սովետական քրդական գրականության հիմնադիրներից մեկը:

1945 թ. Ամինե Ավդալը հաջողությամբ պաշտպանում է դիսերտացիա և ստանում քանասիրական գիտությունների թեկնածուի գիտական աստիճան: Նրկար տարիներ աշխատելով Հայաստանի պետական թանգարանում, ՀՍՍՌ ԳԱ Պատմության ինստիտուտում Ա. Ավդալը տալիս է գիտական մի շարք աշխատություններ, որոնք վերսրելում են քրդական ազգագրությունը: Նրա գրքին են պատկանում մի շարք գիտական աշխատություններ, ինչպիսիք են «Քուրդ կինը նահապետական ընտանիքում ըստ ազգագրական և ֆոլկլորային նյութերի», «Անդրկովկասյան քրդերի կենցաղը», «Ազգակցական կապերը քրդերի մեջ», «Արյան վրիժառությունը քրդերի մեջ և նրա մնացորդների վերացումը Սովետական Հայաստանում», «Սովետական Հայաստանի քրդերի կենցաղը», «Պատրոնոմիան Հայաստանի քրդերի մոտ XIX դ.» և այլ ձեռագիր աշխատություններ հանդիսանում են լուրջ ներդրում ոչ միայն քրդագիտության, այլև նաև սովետական ազգագրության մեջ:

1959 թ. մինչև իր կյանքի վերջը Ա. Ավդալը աշխատում է ՀՍՍՌ ԳԱ Արևելագիտության ինստիտուտի քրդագիտական բաժնում:

Սովետական քրդագիտության անխոնջ մշակ. կոմունիստ գիտնական Ա. Ավդալի աշխատանքը բարձր է գնահատվել մեր հանրապետության գիտական հասարակայնության կողմից: Քրդական ազգագրությանը վերաբերող նրա աշխատություններում բարձրացված գիտական միջարք պրոբլեմների լուսաբանումը բարձր գնահատականի է արժանացել սովետական և արտասահմանյան արևելագետների կողմից: Ամինե Ավդալը արժանացել է կառավարական մի քանի պարգևների:

Իր ժողովրդի կուլտուրայի զարգացումով ապրող, հոգասուար, համեստ ու ազնիվ ընկեր Ամինե Ավդալը անընդհատ հետք թողնեց սովետական քրդագիտության և քրդական գրականության զարգացման մեջ: Նրա պայծառ հիշատակը միշտ վառ կմնա սերունդների սրտերում: